

LA  
DESCRIPTION  
PHILOSOPHALE DE LA  
NATURE ET CONDI-  
TION DES A-  
NIMAVX

\* \*

*Tant raisonnables que brutz, Avec le sens moral  
comprins sus le naturel & condition d'iceux:  
ensemble plusieurs augmentatiõs de diverses  
& estranges bestes, outre la precedente im-  
pression.*



A LYON,  
Par Benoist Rigaud.

1561

## P R E F A C E.



**P**OUR CE qu'aujourdhuy les hommes passibles & mortelz creés à l'image & semblance du Seigneur Dieu createur de toutes choses, ont descongny les graces & benefices d'iceluy, & se sont faictz ennemis de raison & vertu par vne sensualité desordonnee, iay bien voulu faire vne petite discription de la nature & propriété des sauuages & priuez animaux tant raisonnables que brutz pour demontrer aux môdins de fragile esprit que les bestes brutes sont trop plus à louer en leur œuure de nature que n'est l'homme charnel, combien quil soit constitué Roy & Seigneur de toutes choses terrestres: Car il ny a si petite creature viuante qui ne donne gloire & louangé à son souuerain createur tesmoing le Psalmiste Royal Dauid qui dit, *Bestia, & vniuersa pecora, serpentes, & omnes volucres pennata.* Les animaux brutz & tout bestial, serpens & oiseaux emplumez louent & benissent l'Eternel Dieu, semblablement monstres marins, Dragons & tous Abismes, tourblilons de vent, tempeste orange, grifil, foudre & feu le benissent en exaltant & executant sa diuine parole. Et au contraire l'homme qui deust en toutes ses œuures & operations sanctifier & benir son saint & perecieux nom, condamne & reprouue ses diuines loix, et ordonances: en renonceant & blasphemant sa puissance & vertu. Cè qui me faict dire, que lesdictes

## PREFACE.

dictes bestes irraisonnables gardent & observent trop mieux leur naturel, que les Chretiens abandonnez à tout vice & péché. Car les membres qui leur sont dōnez pour labourer a la vigne de Dieu, ilz les occupent & employent aux ceūres du prince du mode, tāt sont aveuglez & arrestez aux biens terriens: de sorte qu'ilz ont osté la crainte & amour du perē celeste de devant leurs yeulx. Et ne considerent pas qu'il estoit à sa puissance de le faire serpens ou crapaulx, & les crapaux hōmes: mais de sa grace speciale les a faitz non seulement hommes, ains maistres & dominateurs de tous les animaux sauvages & priuez. Et les a faitz & mis soubz les piedz de leur puissance humaine, ainsi que dict le Psalmiste. *Omnia subieci sub pedibus eius, Onos & boues uniuersas: insuper & pecora campi.* Seigneur Dieu tu as assubieci soubz les piedz de l'homme toutes choses uniuerselles, bœufz, ouailles, & autres bestes des champs. Lesquelles bestes monstrent aujourdhuy à l'homme comme il doibt recongnoistre son createur. Et pour luy monstrier plus clairement l'ingratitude dont il est plain, i'ay expressement composé ce petit liure, auquel i'ay parle de plusieurs & diuerses bestes tant des pays de pardeça que d'autres lieux estranges & diuers, Suyuant l'oppinion des anciens Philosophes, à fin que l'homme puisse congnoistre son imperfection qui empesche son salut, & que par le sens moral compris sus la nature desdictz animaux il, viēne

## P R E F A C E.

à corriger & amender ses crimes & pechez, qui  
seront cause de sa perdition si Dieu ne luy fait la  
grace de se retiter. Dont ie prie tous les benins  
lecteurs supporter l'incongruité de l'œuure, &  
rendre louange au souverain Seigneur de l'hon-  
neur qu'il luy a fait & de l'auoir constitue Roy,  
sur toutes choses vivantes à luy subiectes &  
créés pour son seruice & yfage. Et en re-  
connoissance de ses graces & benefi-  
fices luy rendre eternelle gloire &  
honneur, en luy priant qu'il  
luy doint sa paix & à la fin  
sa sainte & fru-  
ctueuse benediction.

\* \* \*  
Amen.

Quant à parler de la Licorne  
 Elle a le poil fort blanc & fin,  
 Dessus son chef porte vne corne  
 Qui est fort contraire au venin.  
 Le beau visage féminin  
 Ayme de si tresardant zelle:  
 Qu'elle s'endort de cuer benin  
 Dans le giron d'vne pucelle.



## Moral.

Par la Licorne est entendu  
 Le filz de Dieu Roy souuerain  
 Qui en ce monde est descendu  
 Pour racheter le genre humain,  
 De venin puant & vilain  
 L'a gardé en ce mortel monde  
 Et s'est reposé sus le seing  
 De la pucelle sainte & munde.

Le **Rinocerot**, ou **Gomas**.



*Rinocerot en Grec ainsi nommé  
Est vn des grands Animaux de la terre:  
Pource qu'il a le nez de corne armé  
Dure, & trenchant, & l'aguise à la pierre  
Quand il veult faire à l'Elephant la guerre,  
Son ennemy par le ventre il assault  
Fin, contre fort, aussi meurt il, s'il fault.  
Car à plus fort que soy combat il mesle  
Le masle seul es plains champs, du bois fault,  
Peu void on hors la pudique femelle.*

H